

*Bosna i Hercegovina*  
*Federacija Bosne i Hercegovine*  
*Srednjobosanski kanton / Kanton Središnja Bosna*  
**OPĆINA FOJNICA**  
**OPĆINSKA IZBORNA KOMISIJA FOJNICA**

*Broj: 23-2/20 M.T.*

*Datum: 14.07.2020.godine*

Na osnovu člana 2.18 stav 1. Izbornog zakona BiH («Službeni glasnik BiH», broj: 23/01, 7/02, 9/02, 20/02, 25/02, 4/04, 20/04, 25/04, 52/05, 65/05, 77/05, 11/06, 32/07, 33/08, 37/08, 32/10, 18/13, 7/14 i 31/16), a u skladu sa članom 18. Pravilnika o upotrebi i izradi izvoda iz Centralnog biračkog spiska («Službeni glasnik BiH», broj: 25/20 i 38/20), Općinska izborna komisija Fojnica je na sjednici održanoj dana 14.07.2020.godine, *donijela*

## ***Plan***

### ***izlaganja izvoda iz Privremenog biračkog spiska na uvid javnosti***

#### ***I - Uvodne napomene***

Ovim planom o izlaganju izvoda iz Privremenog biračkog spiska na uvid javnosti, koji je shodno odredbama člana 18. Pravilnika o upotrebi i izradi izvoda iz Centralnog biračkog spiska, sačinila Općinska izborna komisija Fojnica, precizira se:

a/ način obavještanja javnosti o trajanju izlaganja ovog izvoda i mjestima na kojima će izvodi iz Centralnog biračkog spiska biti izloženi, odnosno dostupni i

b/ način obavještanja raseljenih lica o eventualnoj promjeni biračke opcije u centru za birački spisak.

Centralna izborna komisija BiH sa stanjem na dan raspisivanja izbora, sačinjava u skladu sa članom 3.11 Izbornog zakona BiH izvode iz Centralnog biračkog spiska, koji se dostavljaju izbornim komisijama i centrima za birački spisak i koji se izlažu na uvid javnosti u periodu od 120-og do 90-og dana prije dana održavanja izbora, a u svrhu izrade konačnih izvoda iz Centralnog biračkog spiska.

Spomenuti izvod izrađuje se na obrascu izvoda iz Centralnog biračkog spiska za redovne birače, u elektronskoj verziji, po osnovnim izbornim jedinicama i biračkim mjestima sa prethodnih izbora i ne sadrži podatke o jedinstvenom matičnom broju i adresi birača.

Izvodi iz privremenog Centralnog biračkog spiska mogu se dostaviti političkim subjektima u skladu sa članom 3.1 stav 4. Izbornog zakona BiH, odnosno političkim subjektima koji su ovjereni za učešće na izborima i kojima je ovjerena kandidatska lista za učešće na izborima u skladu s ovim zakonom, a osigurati će se na njihov zahtjev, izvod iz Centralnog biračkog spiska za nivo vlasti, odnosno izbornu jedinicu u kojoj učestvuju na izborima, u elektronskom obliku ili u ispisu.

## ***II - Način obavještanja javnosti o trajanju izlaganja ovog izvoda i mjestima na kojima će izvodi iz Centralnog biračkog spiska biti izloženi***

Općinska izborna komisija Fojnica će u skladu sa članom 17. stav 2. citiranog Pravilnika izložiti privremene izvode iz Centralnog biračkog spiska i na taj način osigurati pristup svim licima sa biračkim pravom, kako bi mogli provjeriti svoje podatke, te izvršiti njihovu ispravku ili dopunu kod nadležnog organa i opredjeliti se za biračku opciju (općina, odnosno mjesto glasanja i način glasanja-lično ili u odsustvu).

**Izlaganje privremenog izvoda iz Centralnog biračkog spiska će se vršiti u periodu od 18.07. do 17.08.2020.godine, na pogodnim mjestima (biračka mjesta sa prethodnih izbora, prostorije mjesnih zajednica...), a uvid u isti će također biti omogućen radnim danima i u samom Centru za birački spisak, stacioniranom u zgradi općine Fojnica, u vremenskom periodu od 07:30 do 15:30 sati, na portalu općine Fojnica, te kod povjerenika mjesnih zajednica.**

Općinska izborna komisija Fojnica planira izvode iz privremenog Centralnog biračkog spiska izložiti na sljedećim mjestima:

- **Fojnica** - za sva glasačka mjesta na području gradske zone (Lokalitet samostana 1 i 2 - O.Š. „Muhsin Rizvić“; Centar 1 i 2 - O.Š. „Muhsin Rizvić“; Gornja čaršija 1 i 2 - „1001 Noć“; Novo naselje 1 i 2 - Srednja škola „Zijah Dizdarević“), privremeni izvodi iz Centralnog biračkog spiska se izlažu na objektu zgrade općine Fojnica;
- **Prokos 1 i 2** - privremeni izvod iz CBS-a izlaže se na pogodnom mjestu, u neposrednoj blizini Područne škole „Prokos-Tovarište“, po prijedlogu povjerenika mjesne zajednice Prokos;
- **Pridola** - privremeni izvod iz CBS-a izlaže se na pogodnom mjestu u mjesnoj zajednici, po prijedlogu povjerenika mjesne zajednice Pridola;
- **Ostružnica 1 i 2** - privremeni izvodi iz CBS-a izlažu se na pogodnim lokacijama, u neposrednoj blizini biračkih mjesta, po prijedlogu povjerenika mjesne zajednice Ostružnica;
- **Šćitovo** - privremeni izvod iz CBS-a izlaže se na pogodnom mjestu u mjesnoj zajednici, po prijedlogu povjerenika mjesne zajednice Šćitovo;
- **Gojevići** - privremeni izvod iz CBS-a izlaže se na portalima O.Š. „Ivan Goran Kovačić“ u Gojevićima;
- **Dusina** - privremeni izvod iz CBS-a izlaže se na portalima Područne škole “Dusina“;
- **Bakovići** - privremeni izvod iz CBS-a izlaže se na portalima “Doma kulture“ Bakovići;
- **Pločari polje** - privremeni izvod iz CBS-a izlaže se na pogodnom mjestu u mjesnoj zajednici, po prijedlogu povjerenika mjesne zajednice Pločari polje;

Općinska izborna komisija će u skladu sa članom 17. stav 3. Pravilnika o upotrebi i izradi izvoda iz Centralnog biračkog spiska obavijestiti birače da se izvod nalazi u centru za birački spisak, mjesnim zajednicama i drugim pogodnim mjestima utvrđenim planom izlaganja Privremenog biračkog spiska. Ukoliko općinska izborna komisija ne bude u mogućnosti izložiti privremene izvode iz Centralnog biračkog spiska na način kako je to naprijed navedeno na pojedinim biračkim mjestima, zbog ne nalaženja adekvatnog prostora za izlaganje, ista se obavezuje blagovremeno upoznati birače o načinu i mjestu uvida i provjere svojih podataka.

### ***III - Način obavještanja raseljenih lica o eventualnoj promjeni biračke opcije u centru za birački spisak.***

Raseljena lica, koja imaju biračko pravo, obavjestit će se putem oglasne table ispred zgrade općine Fojnica i općinskog portala [www. Fojnica. ba](http://www.Fojnica.ba), da se izvod iz Centralnog biračkog spiska nalazi u Centru za birački spisak, kako bi mogli provjeriti i izvršiti eventualnu ispravku ili dopunu svojih podataka kod nadležnog organa i opredjeliti se za biračku opciju (općina, odnosno mjesto glasanja i način glasanja – lično ili u odsustvu).

Navedena lica, će se također upoznati da zahtjev za određivanje ili eventualnu promjenu biračke opcije podnosi lično na PBO-1 obrascu, najkasnije 75 dana prije dana održavanja izbora tj. 01.09.2020.godine do 24:00 sata, Centralnoj izbornoj komisiji BiH putem Centra za birački spisak, u općini u kojoj imaju prijavljeno prebivalište ili boravište raseljenog lica u skladu sa zakonom, odnosno prema evidenciji nadležnog organa, uz obavezu prilaganja kopije jednog od važećih identifikacionih dokumenata, odnosno važeće lične isprave sa fotografijom iz člana 5.12. stav 4. Izbornog zakona BiH (lična karta, vozačka dozvola, pasoš).

### ***IV - Završne odredbe***

Postavljanjem izvoda iz privremenog Centralnog biračkog spiska na gore predviđene lokacije, Općinska izborna komisija Fojnica smatra da će većina birača biti informisana, odnosno moći doći do svih potrebnih podataka o sebi u Centralnom biračkom spisku, a načinom obavještanja raseljenih lica, o načinu određivanja biračke opcije u Centru za birački spisak, će se osigurati istim, mogućnost izbora, odnosno izjašnjenja.

Članovi izborne komisije preuzimaju obavezu postavljanja, uklanjanja i nadgledanja izvoda iz privremenog Centralnog biračkog spiska na pomenutim mjestima i u naprijed utvrđenom vremenu.

#### ***- Dostaviti:***

- 1. Centralna izborna komisija BiH*
- 2. Općina Fojnica - Općinski načelnik*
- 3. Centar za birački spisak*
- 4. A/a*

***M.P.***

***Predsjednik OIK-a***

***Mustafa Topalović dipl. pravnik***